

尹文端公詩集

尹文端公詩集卷第九

章佳尹繼善元

恭和

御賜詩元韻

堯文寧祇見于羹水面風來自在行雲錦曉裁珠幄靜
彩毫香染墨池平榮叨侍從逾三接勉效賡颺答九成
夙抱葵心依日下願隨

清蹕聽璫衡

恭和

御製入江南境元韻

翠葆涖江初歡聲競繞輿兒童齊拜舞魚鳥亦依於春
雨滋膏壤炊烟遍野墟入疆

恩逮數問俗馬行徐軫念民如子疇咨采若予康衢遊
化日作息自常舒

恭和

御製降旨免宿遷等四縣正賦十分之五詩以誌事元
韻

率土望

恩無彼此

天心仁愛同一視已安念念益求安圖易思艱午夜起
六塘形勢居下游尋源尤必竟其委

睿謨特命疏填淤不使沮洳妨耒耜條爾瘠土成膏腴
比戶年來大豐美

帝曰民尚汔小康蓋藏饒裕心乃喜

巡方真似好春來豈止誠求如赤子淮徐回首憶飛鴻
軫切痼瘼猶未已童叟何能工頌詞惟有歡聲日盈耳
蠲租

恩詔正環觀逾格

溫綸又至矣歲歲東南慶有秋百室穰穰盡充匭
徵臣

珥筆勉矢音詎堪仰贊揮絃理

恭和

御製清河道中雜咏元韻

春烟漠漠盼朝晴

御輦舒徐柳外行萬姓渾忘身帶雨如迎父母見真情
野老頻欣

賞賚多衣裁黃絹換青簑停驂笑向蒼顏問比歲西成

果若何

隔林斜日放新晴
一片湖光綠遶城
陌隴參差都在眼
玉鞭遙指麥齊生

重勞

睿念注淮濱
補助時邀

異命申一自春膏霑足後
太平景在荷鋤人

恭和

御製花朝元韻

一年能度幾花朝
白髮空慙春色撩
每見紅桃爭放日

不須搖落即魂消

是色是空悟者稀
眼前景物自菲菲
十分開處原招損
莫怪風寒白雪飛

百日常開詎可能
陽春時令正堪乘
東風最是饒生意
吹謝寒梅似不應

恭和

御製過淮安府元韻

童叟都容近

御鞍香盤夾道喜迎

鑾省耕自是三春好問俗曾無一刻安供帳時虞糜物
力金錢頻見

賜孤單痼瘵在念勤咨儆總為東南民事難

恭和

御製過高郵州元韻

歡聲到處繞行舟億萬人情體恤周

帝用作歌惟屢省民如保赤更何求思艱午夜常圖易
望歲茅簷預卜秋自分庸才無報稱調元有願愧難酬

近蒙

賜臣

宣績調元額

恭和

御製天寧寺元韻

幾度江城瞻

翠葆多年紺宇冠
吳陵雲生祇樹香
千界佛湧蓮花萼
萬層謝傳舊曾開
北墅梵僧今尚憶
南能輝煌
睿藻題先後妙諦
原無色相憑

恭和

御製初遊上方寺元韻

禪扉隱隱接崇岡
無限紅塵在下方
自有松筠標雅致

翻教歌吹總尋常

青旂緩向花間入翠岫遙從雨後望初對林泉留
翰藻巖雲深處現光芒

恭和

御製香阜寺元韻

古寺隔林低悠然物外棲好香聞淨土甘雨洒菩提山
鳥歌咸若巖花笑倩兮好乘春水漲一棹過烟溪

恭和

御製九峯園小憩元韻

偶從幾暇過江城雨後園林景倍清
九子烟鬟分黛色一溪春漲動吟情
當風柳葉纔舒眼索笑梅花未落英
頑石亦知邀

睿賞似瞻

仙仗點頭迎

恭和

御製再遊平山堂即景雜咏元韻

廉纖小雨花朝近
罨畫平山十里遙
為問輕舟何處泊
綠楊風外是紅橋

天外雲飛片片輕暖風吹浪穀紋生分明一幅西湖景
先向平山十里呈

萬條新柳漾風淪幾樹紅桃未啟脣小坐溪亭聞布穀
催耕頻喚荷鋤人

樓臺深處盪蘭舟暫趁

幾閒一晌遊剩有寒梅香未了不隨春雨逐溪流

廿四橋邊春色滿三賢祠外夕陽多試教妙手傳圖畫
究比瀛洲景若何

平山迤邐接平岡郡守清風有舊堂往事追思留翰藻

萬松又送晚風涼

恭和

御製遊金山寺四疊東坡韻元韻

長江東望水接天妙高臺畔如觀海坡翁去後已千年
鴻爪依稀舊痕在殘碑高下臥陂陀磯頭斷續翻層波
老僧不知塵世事惟言來往帆檣多第一泉邊艤
龍楫魚鳥何心皆向日却忘岩際野桃紅恍似金山壁
亦赤酬和蘇詩頃刻間無待江頭片雲黑夜深那得炬
火明空遺險句使人驚不有

聖言具卓識千古焉知非異物幾番遣興咏名山如留
寶謁傲愚頑問俗省方事未已又趁微風度春水

恭和

御製泛舟遊惠山即景元韻

疊翠如看畫裏山九龍又得近

龍顏

皇心自有同民樂不在怡情水石間

繡隴高低傍小舟菜花帶雨早如油二泉幾度邀評賞
手撫筠鑪憶舊遊

却為留題返棹遲紅桃又欲豔新姿山房到處叨陪從
身惹爐香許和詩

若冰洞外聽松菴驚力追攀老尚堪轉眼
鳴鑿重過此風光約計在春三

恭和

御製出閭門遊支硎寒山諸勝即事襟咏元韻

鑿輿曉出趁新晴雲散長空水繞城有喜

天顏都許近殷然畧分只言情

柳絲搖曳拂長橋野外青疇入望遙茅舍芳園繞過眼

好山前路又相邀

一帶輕烟樹影連迎風翠竹自便娟繁華不是

皇心樂底事笙歌湍畫船

千尺寒流曲榭邊當前景物自天然行雲來去何留滯
聊寄吟情向石泉

奉

勅題宋臣范仲淹書伯夷頌卷

子孫世世守青山正氣猶存翰墨間從此應添丁甲護
數行

睿藻又新頒

震世勛名史冊中
天平每過仰高風
後來多少留題者
試問何人不愧公

恭和

御製石湖絕句和王寵題周臣畫策韻元韻

何處韶華最取憐
石湖烟景上方前
自來九十春光好

況喜重逢二月天

正值閏二月朔日

萬頃汪洋暈細流
峯巒影在水中浮
淵泉自與

宸心合不在忘機
羨野鷗

一上層崖眼界開
微茫烟外有樓臺
行春橋畔生春水
兩兩漁舟唱晚迴

為體民情緩轡歸
片雲時近

六龍飛只因

睿慮祈晴切
旋覺桑田雨漸微

恭和

御製寒山千尺雪
三疊舊作元韻

緬昔處士常居山
宦光別墅開林泉
泉流千尺冷于雪
懸空濺瀑難尋源
山靈舊未得評賞

御題聽雪留真詮匡廬水簾可比似登臨到此忘塵緣
問從何處豁乳竇但覺流注為停淵飛閣清虛半雲上
跳珠噴玉瀾層巖琤琤非止足觀聽分膏遠引滋農田
四時不斷飄六出號作寒山宜云然
聖人之歌如白雪與泉千載輝人間

恭和

御製出閭門復遊西山諸勝遂駐靈巖元韻

九天啟閭闔旭日霽晴光騎出千村曉時和萬卉芳
兒童知擊壤簞笠傍

垂裳

幾暇還探勝心勞為省方
雨餘欣晝暖歲閏覺春長
刺水秧針綠搖風麥穗黃
花明飛蝶繞柳暗語鶯藏
列岫如添黛鳴泉似奏簧
雲霞皆現彩巖谷各爭強
有慶民同樂還淳俗易匡
攀依情自切休助顙俱償
別墅初迴轡精藍復在望
眼前披好景馬上就新章
幾度留題後謳歌永不忘

恭和

御製遊虎邱雲巖寺元韻

雨餘正好探溪山，淨洗風光挹翠顏。
林鳥交啼春未老，花驄重過徑猶閑。
經臺小坐松風外，鶴澗閒臨水榭間。
却愧從遊遲步履，烟蘿深處勉躋攀。

恭和

御製蘇州啓蹕元韻

又送

鑾輿出郡城，四番來去認。

前旌遙山日，暖添青黛柳。岸風和趁曉，晴卧轍攀留。
多白髮，停驂繫念是蒼生。不因懷保誠求遍，那見依依赤。

子情

將到京口又和前韻

指點京江鐵甕城春風習習颺

霓旌花無不謝非關雨麥到將苞恰盼晴雲樹載迎

龍艦過金焦重聽夜潮生放生巖畔坡仙杳屢動長吟

望古情

恭和

御製焦山觀古鼎再和沈德潛韻元韻

連山竹樹如雲屯蜀僧衣鉢傳後昆大江東去海門近

碧波無際浮乾坤不知已閱幾人代禪堂尚有周鼎存
塵土半侵形製古兩耳對向三足蹲由來勝地餘舊蹟
豈獨好景清心魂寶光近與佛燈映周遭苔蘚饒斑痕
傳聞南仲紀恩錫篆籀鐫刻垂名言自愧無才發吟咏
屢見但以手空捫我

皇好古探源本宛導積石窮崑崙往者

巡方駐

行蹕曾題長句留沙門詎若九鼎沈泗上千年汨沒沙
泥渾今春

翠華復南幸摩挲象物開祇園山花山鳥助清況和風
好雨連朝昏興來染翰疊前韻韓蘇石鼓何足論譬如
觀海難為水波翻瀛島相吐吞寓意于物亦偶爾歌成
坐看洪流奔大鈞鼓橐含苞元球圖堪並陳天闔

恭和

御製用劉長卿栖霞寺東峯尋南齊明徵君故居元韻
古寺曾栖隱三春好過從竹間尋曲徑馬首列奇峯鳥
度溪邊影花添雨後容翠看新剔石綠撫舊栽松飛瀑
懸晴練疎風度晚鐘山靈如借問應亦慶遭逢

恭和

御製太古堂對泉元韻

有堂傍精廬風光自今古
窻外青楓多歲月渾難數
白鹿湧清泉環堦復潤礎
潺潺時有聲恍欲向人語
臨流一問之靜深誰似汝

恭和

御製萬松山房元韻

一徑入清幽山房依古寺
蒼虬盈萬株各有向榮意
濤細午風涼陰濃晴靄翠
時縱遇三春無心爭妍媚
笑問

桃李花是否堪同類

恭和

御製題幽居菴元韻

路入深山萬竹修
開窻時有白雲投
風平小沼波紋細
烟繞層巒翠色流
花氣迎人頻駐馬
春寒透體欲添裘
禪扉本自居塵外
好雨初過景倍幽

恭和

御製登最高峯元韻

太虛亭倚半山枰
翠石千層對綺寮
聊借烟雲供

睿覽應傳遊豫入民謠樹連江影浮空碧鳥趁天風度
沈寥勒馬春岑凌絕頂衆峯羅列似來朝

恭和

御製遊攝山棲霞寺元韻

名山闢幽棲輕霞似為冠秀拔出諸峯峰景可兼青
嶂起林端壁立插霄漢經營歌子來爭趨者與邕搜石
得雲根疏鑿次第按靜對多所欣拄笏時留戀四面列
芙蓉峻嶒排道院點綴任自然豈云殊舊觀但期真面
存華飾凜勿辨

四巡涖南邦三度來芳徑行健體乾元始和兆時正羣
黎夾道迎拜舞深愛敬望

幸如望歲尊親本恆性今年閏花朝長春叶歡慶烟景
何暄妍

宸遊非選勝痼瘵入

睿吟濡毫揮草聖茅檐雨露深

翠葆雲霞凭滿谷野禽聲併作塗歌聽

磴道凌高空蒼然多峭石竒姿勢蜿蜒秀色紛岵峿英
英雲四垂去天纔咫尺露根老樹穿綠罅古藤坼開軒

挹嵐光宛若張幙帟浮圖聳絳霄寒苔繡青壁層崖儼
疊浪新翠湧千億古佛坐巖間香龕禮遊客我

皇清問餘登臨暫憇息見山即見仁靜觀情脉脉

曾聞山居民得泉因逢鹿奩光一鏡開甃石資滲漉百
斛迸明珠錯落彌衆谷小澗流落花春淙見洄洑飛雪
懸高崖晴雲漾寒瀑挹彼以注茲塵襟洗僕僕水德含
淳和甘澤日蒙福仙樂引金輿琤琤奏琴筑

山姿得樹妍鬱鬱干霄上新綠映周遭向榮延

睿賞竹影搖琅玕松濤徹泱泱綴以桃李花春光饒澹

蕩架巖結精廬白雲自來往雨過含餘清風來發幽響
池臺接濃陰高低森萬象豐碑禹跡留夏諺從可想
遊豫乘春耕休助為民事

帝心念東南宵旰不遑置是時慶屢豐閭閻盡安堅重
欣

玉趾來春雨隨車騎綠秧遍田疇遠勝栽荷芰微臣職
靖共幸值唐虞際山水俱効靈供帳無新異白下成卷
阿矢音誰與儼蕩蕩無能名中天日月麗

乙酉暮春與雙有亭河干話舊漫贈

人生踪跡原難定，應作行雲一樣看。
且喜春光還在眼，寧因聚散感無端。

忽又重逢碧水頭，柳絲搖曳弄輕柔。
銜杯夜坐談心處，細雨初過冷似秋。

御酒同嘗旨且嘉

時因墜馬恩賜阿爾占酒

挑燈話舊興彌加壯

丹歲歲開仍好，莫感風前暫謝花。

無限遙山映夕暉，分攜佇望野雲飛。
南天待得秋風起，一片征帆我亦歸。

和雙有亭河干留別韻

正值三春欲暮時更深過訪不嫌遲久違倍覺重逢喜
未別先愁去後思把酒頻看銜嶺月賞心猶記落梅詩
有亭嘗誦予人醉紅梅未落前舊句河干此日留泥爪雁影東西那得知
故人寥落似疎星如水流光去不停只合挑燈聯舊雨
何須折柳感郵亭鬢霜欺我頻添白螺髻迎君未了青
欲問牽情何處所舟橫斜日望林垌

渡江留別莊滋圃新參

恰喜風恬利涉時夕陽欲度尚遲遲同舟笑語旋分手
去路雲山總繫思遣興記傾前夜酒多情愛誦老人詩

卅年閱歷天涯遍終數心交是故知

江國多年仰福星還教借寇暫時停情殷師友添新咏

約待滄浪訪舊亭

予將有吳門之行

鼓棹舟迎南浦綠回頭雲

隔數峯青不因眼底人千里何事低徊立野坰

舟泊維陽贈高立齋鹺使

正值潮平岸濶時朝來風送片帆遲三春聚散如雲影
廿載情懷入夢思野館維舟虛載酒白頭感舊怯吟詩
論交得到忘形處一任踈狂不自知

蓬窗侵曉見疎星每到維揚只暫停花柳重尋江上路

笙歌猶憶竹西亭眼前菜麥千層錦天外金焦兩點青
此際分攜仍小別不須惆悵向郊垌

舟過吳門賦贈滋圃新參仍用渡江留別韻

此地重逢復幾時瓜期有待莫嫌遲
自來良友難分手似較名山更繫思
把酒休言因送遠關情不在屢吟詩
浮雲一任隨風意去住誰先那得知

歸心久已指晨星舟過吳門亦暫停

北闕將陪新劍履西山回望舊池亭
簞添誰似頭猶黑時甫過交久方知眼倍青
此際已非真地主送迎何事

出郊垞

寄祝錢香樹宮保八十壽

每一相逢眼界明
別來眠食總關情
鶴棲喬木陰逾茂
山帶斜陽晚更晴
破格

殊恩榮大老

公今奉蒙
宮傳少子亦賜舉人

恩晉加

稱觴幾輩見門生

于今又屆添籌日
遙羨松憲杖履清

尚有登臨興可知
曾誇腰脚似當時
心親那慮湖山隔
樹老均蒙雨露滋
到處閒雲為舊侶
幾人白髮寄新詩
停舟遠望無他祝
可許重來慰渴思

香樹以紀

恩詩見寄依韻和之

皇仁疊沛勝甘霖大老尤蒙湛露深屢獻新詩為
奏草江湖廊廟有同心

引年禮數比人殊

扈從曾陪共步趨最羨康強腰脚好登臨尚不藉人扶
從來課子勝嚴師辛苦傳經荷

主知雛鳳聲清齊老鳳殊榮次第遍佳兒

文章海內久馳名愧我空疎學未成寶筏幾番勞接引

新編手訂寄江城

時寄香樹齋三集

江鄉烟雨畧相同却讓層樓望更崇
欲問仙村何處是數行綠柳白雲中

紀述遭逢句句新關心民瘼更前陳
誰知寄傲南窗者仍是先憂後樂人

子才因予扈

蹕陸馬賦詩慰問依韻和之

駕駘原力薄失足憶殘春緩步時憐老

蒙

諭令緩行

思

前驅

敢顧身慰勞

天使數醫藥

主恩頻縱賴扶持好仍為視履人

返白門後得子才送往吳下一律依韻和答

又作吳門幾日遊歸來庭院放紅榴每懷良友心偏遠

似想名山夢尚留新麥已登老圃畔

聞子才下鄉收麥

閒雲只

戀碧峯頭相逢有約休遲踐涼雨瀟瀟已帶秋

子才札云回車

日晚涼之天可以趨謁

子才以送六兒還京詩見示即次其韻留別子才

光陰如過客逝者何匆忙春花能幾時秋露霑荷裳緬

彼素心人家在水一方殷勤致尺書念我整行裝山中

何所有檢點歌新章

適接子才手札有欲賦詩送行之語

時當風雨夕望

眼正迷茫未讀送別詞早惹心悲傷四度蒞江南追思

歲月長鍾阜環石城轉覺似故鄉才踈慙小補無以慰

民望何堪對知己屈指數星霜

底須感歲年共指西園樹踪跡似浮雲飄飄隨去住搔

首鬢添霜看春眼有霧手植桃李花開謝不知數惟有

老彭宣芒屨時入幕短榻舊琴書晚香新雨露綠楊池

上風翠石山間路把酒任高歌扶筇亦同步每說到閒

居悠然生羨慕倦鳥栖舊林征鴻欲歸去從此千里隔
離懷愁日暮朔雪再飛時空山復誰顧子才謝鮑食品舊詩有恰似歲終飛瑞雪不忘幾點到荒莊句

分手在三秋一別知幾載將辭不繫舟掃徑還相待每
一接清談使我心逾快但得同襟期後會何難再展卷
誦君詩光景真如畫廿年感舊情今夕挑燈話此去向
紅塵送迎多冠蓋有句寄相思魚雁知何在回首望故
人流水閒雲外塗鴉字幾行聊以當遺愛

自吳門返金陵後嵇拙修宗伯以詩見懷次韻和

寄

水畔風來拂面和停舟恰喜故人過

前舟次錫山行雲承拙修狂顧

自笑匆忙甚較比閒雲意若何

欲別還憐後會難蓬窗聊為整杯盤
當筵多半論詩話

仍似書生氣味酸

瀟瀟時雨應黃梅又自吳江返棹來
遙望松窓人尚寢

含情空溯碧波回

歸途再過錫山未得與拙修相晤來詩有雨後新涼睡正和無人報道相

公過之句故云

轉眼秋風送入朝舊交從此悵迢遙
公來定有驪駒唱

好盼輕舟趁早潮

來詩許于秋
後渡江送行

望雨以好雨知時節為韻

食乃民之天西成重萬寶插蒔已經時新秧正美好何
堪值亢陽青青熱將槁鎮日望雲霓怒焉心如擣

隴畔荷鋤人揮汗日當午膏澤雖頻施膚寸僅小補不
見望歲情那識茅簷苦調燮愧無才何以為霖雨

聖主憂民切稼穡是先知已溺與已饑念茲復在茲南
邦尤厯慮萬里煩疇咨百穀如不登守土夫何辭

薰風吹拂處悵悵夕陽時登樓望遠山興雲尚難期祈

穰何足數

詩用蘇

大造本無私惟此清夜心神明其鑒之

時已到新秋又近雙星節農田愁旱乾使我心鬱結不

為焦松筠不因苦炎熱祇期甘雨來庶得民忻悅

和袁子才預作送行詩韻

樗櫟何堪近

紫宸溫綸遍處早傳聞每思舊雨勝今雨却笑青雲戀

白雲

子才舊詩有青雲日以
密白雲日以疎之句

南國誰如緣最久老來更

覺手難分花開花謝知多少長占名山獨有君

依依悵望水雲鄉底事情偏繞寸腸未別先愁心緒減

將離怕看鬢毛蒼期培綠竹添新筍好護幽蘭放素香

曾贈子才素心蘭

只有鴻泥留印爪慙無蔽芾一枝棠

屢向棲霞閣草萊記云搜剔似求才

子才咏棲霞詩有山似人才搜更出

之高峯載酒同登覽曲徑攜筇數往來興盡曾衝涼月

返詩成不待片雲催明年再到看花日知共何人坐錦

堆

預唱驪駒見至情幾番聽我續新聲銷魂自昔分離苦

轉眼應憐歲月更圓老縱能香晚節才疎何計慰蒼生

臨歧自有相規句待展瑤箋眼倍明

和夏醴谷送行詩韻

聚會從無不散場情深良友最難忘
衰年那稱依綸閣遠夢應還到講堂
祖道新歌多眷戀塗鴉舊蹟荷珍藏
相思此後知何處野店西風夜正長

江干話別草為茵偏到將離意倍親
雲影重來春夢杳原詩有望重來之句故云鴻聲雖去爪痕新
扁舟轉眼人千里兩地

遙看月一輪最羨秦郵湖畔客
數行綠柳隔紅塵

秋日喜陶西園過訪招飲西園賦詩四章即次袁

子才韻

那堪回首憶當年千里相思意惘然忽報孤舟江外至
恰逢落日晚風前

久叨絳帳愧儀型老樹婆娑蔭舊庭猶是西園山下路
小橋畫舫又重經

頭銜新換送趨

朝一片離懷對沈寥可有江州司馬淚清風吹袖雨飄
蕭

燕臺到日正深秋自有新詩寫別愁若向含青樓畔過
定應感舊一停留

西園座師留松齋為余老友西園曾有含青樓唱和今不勝存亡之感

招陶西圃同袁子才西園小集

久散方知聚首難西園落照喜憑闌山藏別院羣峯小
池隔平橋一水寬過客多情留雪爪勞人有興話漁竿
時誦舊友詩有知否漁舟都賣却釣竿無處下潺湲句故云船房虛約無緣到半晌
勾留未盡歡

欲唱驪歌句更難幾番握手倚重闌共憐別後雲山遠
誰似閒中歲月寬白髮傳心書一卷
時贈新刻幽憲留斯文精華客竹千竿秋深我亦趨黃閣好向燕臺續舊歡

秋日奉

召入都莊滋圃新參仍留江左賦此留別用袁子才送
行詩韻

早知有夢侍

楓宸借寇

恩綸次第聞今古人原皆過客去來誰不似浮雲行期
難定言猶在別句頻歌手未分

前贈滋圃詩有去
住誰先那得知句佇看

秋風吹畫舸黃花時節欲辭君

歸向燕臺是故鄉臨歧底事更迴腸風霜恰值千山冷
父老同嗟兩鬢蒼霽景自推斜日好名花何待晚來香

多年桃李栽應遍可似成陰幾樹棠

年衰那稱近蓬萊共濟還資作楫才黃閣席原經久待

南邦人漫望重來君臨桂院天香滿我別江干細雨催

却羨百花頭上客瀕行仍得坐花堆

滋圃時監臨鄉試

老去常多憶舊情又聽鳴鳳續清聲

鳴鳳用滋圃廷試策中語

傷

離定有詩三疊回首難論歲幾更也愛林泉來野鶴

時招

子才寧誇臺閣半門生相期不止敦交誼惟在廣賜答

聖明

和託師健中丞送行韻

卅載天涯遍于今作近臣最難忘舊雨何以謝邦人帆
挂秋將老書來月正新時中秋日驪歌頻唱處遙望定
傷神

與公頭白盡不復慮霜侵世味嘗應淡交情久益深暮
雲橫遠岫驛路向楓林此後長相憶雙魚望好音

行期將近賦詩四章再別子才

送我曾云似送春

子才舊贈詩有天涯還有再來春句

邇來應接日紛綸

驪歌競賀新黃閣古調仍推舊史臣豈為榮歸歡悵快
却因惜別損心神前緣未了書頻至可盼重留手蹟新

夕陽一望萬峯齊滿眼睛光路不迷花帶秋容辭老圃
樹無遺愛愧蒼黎閒雲有意隨旌旆好景何心再品題
時子才欲買舟相送 恰值霜前紅葉染西風飄處送征蹄

公餘常接笑言溫占得名山望自尊況有生香蘭繞砌
誰如入室酒盈樽從今去鴈空留影恐少馳箋再扣門
莫謂驕人多野趣閒中歲月總

君恩

手栽桃李各爭奇時見憐才舉所知
子才時以門生之詩送閱 衣鉢
難忘疑舊夢嫁裳代作獻新詩春歸不帶羣芳去雲遠

難望澍雨滋別句長吟須記取西窗月落漏聲遲

送高南疇赴貴州臬司任

共挂一帆輕

時予將入都

何堪唱渭城離杯空有約

時南疇提調秋

聞未得面別

別句不成聲日霽霜仍暖沙明水自清故人前

路少鴈影恰逢迎

萬里苗疆路黔山我舊過峯高雲傍馬磴險手攀蘿努力青霄遠傷離白髮多漫云邳澤國處處慎風波

題俞楚江照

萬里天空氣沈寥白門雲樹望中遙風流誰似題詩客

坐對青山想六朝
久住金陵別亦難
秋風送我整歸鞍
他時光景如相憶
好把新圖一借看

贈莊滋圃疊前韻

何妨暫駐遲征輪
公餘好作探山人
村翁稚子驚且喜
為掃花徑開蓬門
隨園名襲僧紹莊
隨園又名栖霞
深秋和
照似春陽臨水應
還尋舊蹟登樓定
又添新章知君夢
想蓬瀛道小棧蓬瀛
却先到步向迴廊
曲檻邊更有芙蓉
能解笑高士南窓
膝易安階前石瘦
帶輕寒烟蘿雖

得清光照忙裏焉能幾次看夕陽嶺外楓林古歸路飄
飄黃葉舞惟說山中樂事多片時記憶難清楚我聞雅
會興無窮雖和山歌曲未終援琴再為彈一曲恐教絕
倒黑頭公

和子才途中送別韻

桃李多年手自栽依依送客曉風催就中白髮彭宣少
遠渡長江尚未回

離情無處不相關好友難分似好山松抱青峯猶記否
夢魂仍到萬松間

子才舊詩有松抱
青山托始終句

卅載光陰一瞬中夕陽帆影去匆匆漫誇雨後秋容好
還看楓林色更紅

說到將離覺倍親每翻舊句意重新此詩攜向金陵去
憶我應多屬和人

重陽後舟過淮安和總漕楊方來贈別韻

洪鈞無物不陶甄更荷

恩深念舊臣位似家傳重接武

予入內閣恰坐先人位次

壽由

天錫七經旬

屢蒙謂予壽數綿長

恩旨

再來過訪期難定老去論

交久益真也識都門還握手郵亭無那一傷神

行李蕭蕭半簡編韶光猶自惜餘年河梁佇看雙旌杳
宦海同期晚節全定有良言襄日後那堪春夢憶從前
多情莫唱驪歌曲怕對斜陽設別筵

山東道中即事存懷雜咏

江上分攜似隔年幾番回首意纏綿何堪日暮懷人處
恰值風飄落葉天

每尋舊蹟過荒城日坐肩輿緩步行偏到河橋殘月夜
遙天一雁送寒聲

楊柳依依到處栽新枝舊幹疊相催

山東亦多門生故吏往來汶

水東山路屈指曾經廿幾回

天孫原比衆峯高絕頂相傳見海潮幾欲躋攀清興少
白雲前路又空招

將到都門疊韻寄懷子才

白髮偏多感昔年况兼濶別恨連綿遙思寄傲南窗下
定向青雲望遠天

素心幾本足傾城閒對名花掉臂行壁上瑤琴皆靜好
猗蘭時弄兩三聲

伐木聲中如有思知將彩筆寫烏絲他年寄得新詩到

應在朝回日暮時

千里緣何勞夢魂因君念念是師恩莫嫌筆跡非親灑
老眼於今已漸昏

恩賜園林後和鄂怡雲見贈韻

昔年第宅皆

恩賜廣厦新頒愧更多樹老奚能承玉葉舟停猶得傍

金波

江寧官署之西園
有齋名不繫舟

敢云綠野差堪似回憶西園較

若何

天意故教娛晚景登臨有興不蹉跎

綠楊烟外虹橋路白髮重經感慨多畫棟難尋當日燕

平泉猶漾舊時波

賜園即西林伯岳舊居

花香晚節今能否石

藉他山老奈何漫道池亭頻易主肯堂相易莫蹉跎
恩賜貂服恭紀

手捧豐貂耀

禁垣球琳並重價難論解衣此日承

新寵拜

賜當年憶舊

恩

雍正十年曾蒙
貂今已三十餘載矣

賜

六出花飛初送冷

是日大雪

九重春到便生溫
素絲絀絨原臣分
畫錦榮施慶滿門

晚香園雜咏用杜工部遊何將軍山林韻

賜第

恩逾重門開傍

御橋松青多入戶
竹翠欲干霄
石徑如相識
烟鬢似可招

天教娛晚景散步足逍遙

絕少紅塵到東軒
分外清梁空無語
燕春至好聞鶯印

雪思泥爪臨畦憶菜羹

西林相公居此園時
曾經假館屢饗園蔬街

恩無感舊幾度繞階行

也是瀛洲水今來另一支東西原有岸上下各成池釣艇行無繫遊魚樂自知臨流時寓目恍似畫圖披

莫謂荒三徑還餘老圃花增高頻覆簣畫足豈成蛇肯搆心常在求安志不賒偷閒聊補葺却愧未忘家

小築三間屋幽窻面面開掃除迎臘雪安置渡江梅時自

江南帶來梅花數盆逆旅分新舊閒雲任去來斜陽看更好隨意

坐蒼苔

猶憶棲霞寺雲根響活泉雖忙心落落有夢路綿綿種

樹仍如額買山不用錢新晴宜晚眺月色滿前川
退食從容入惟聞草木香南窓當日暖水閣納風涼葉
老枝頭戀峯低屋裏藏韶光慚不稱鬢髮已全蒼

吾廬吾自愛評論任差池疊石添屏障移墻去累羅

山頭

有墻今
拆去

閒情耽筆墨樂事對妻兒腰脚今獨健何須策

杖隨

不羨棲林鳥時看返岫雲星霜皆過客花柳總閒文百
歲知何日三餘惜幾分微嫌衢路近車馬自紛紛
閱歷天涯遍歸來興若何苟完隨處好在得老年多歡

喜常開口登臨屢放歌
鷄鳴應戒旦歲月莫虛過

移居晚香園皇四子賦詩見贈依韻奉和

最喜名園傍

御園無邊烟景藹晴暄
掃除池北松間屋掩映橋西竹
裏門簾捲乍看新燕影徑開猶帶舊苔痕
一泉一石皆恩賜春入芳林鳥亦言

石闌曾記題詩處雪爪重來悟夙因
數畝敢云同綠野一牆已是隔紅塵
無多亭榭供閒眺儘有鶯花度好春
惹得五雲仙苑裏瓊箋屢贈白頭人

蒙

恩遊千尺雪仍用前韻

蓬瀛深處喜初登翠積層巒霽景澄松矗千尋圓似蓋
泉流百道冷於冰雲梯不盡探春路石隙渾如照夜燈
有石室甚暗一
隙可透天光回首棲霞難比擬矢音有願愧無能

恭和

御製靜寄山莊元韻

名巖峻峭復端莊一望渾如翠幕張最羨階茨同太古
尚遲桃李艷春陽和風乍拂冰初解澍雨新沾草亦芳

幾處幽齋臨活水垂楊掩映靜中藏

恭和

御製萬松寺元韻

樓霞曾有萬松寺又到田盤見萬松漫說六朝枝幹古
清陰終讓此間濃

青蒼渾不辨陰晴山靜猶含太古情日夕風來巖壑裏
禪窓處處是濤聲

恭和

御製半天樓元韻

亭臺處處近青天又見高樓雲外懸
一水迴環新雨後諸峯羅列曉窻前
精藍扈

蹕行將遍瓊島從遊覽未全泮
與仍傳無逸戒賡颺亦有會心焉

恭和

御製望雲罩未至元韻

百尺浮圖雲外藏寺依峭壁翠為牆
漫言地接蓬萊近到去仍然是下方

恍如天半現芙蓉駕馬中途力已慵
悟得須彌與芥子

何須更上最高峯

恭和

御製雲起閣元韻

憑虛登小閣
窓外曉氤氲
欲作從龍雨
先生捧日雲
無心來自去
過眼聚還分
四野同瞻仰
宸懷得所欣

恭和

御製延春堂元韻

何處多佳景
春先到此堂
片時邀

睿賞四面挹晴光日夕千峯翠風和百草芳韶華雖屢
易山水自如常

恭和

御製遊古中盤元韻

崇阿窈窕啓烟扉澗水泠泠響翠微應有山靈迎
玉轡白雲飛傍侍臣衣

華旂搖曳轉山根磴道疑通箭筈門松吹未停清磬發
始知中有布金園

修坂盤旋徑屢遮鞭絲微帶柳枝斜

天心不許春全洩特遣輕寒護杏花

沿谿幽草態猗那選樹新禽改舊窠片刻登臨還自去
終輸僧占好峯多

與瑤華主人論詩仍用前韻

交道何須論淺深相期還在惜分陰已工摩詰詩中畫
更溯成連海上琴曾言學詩於某不忘所自暫息塵勞頻聚首徒耽
唱和豈知音白頭難遇垂青眼聊托雲箋一寫心

丙戌主試春闈和壁間舊韻贈裘叔度少農陸鳧
川少宰並柬諸同事

衡文簡畀受

思深益勵冰兢凜亦臨在得真才為

國寶寧惟時藝重儒林年哀喜坐春風暖力倦渾忘夜
漏沈回首寒窻能幾日相期切莫負初心

與叔度少農話舊仍用前韻

往事回思歲已深黃茅猶記共登臨山邊遊屐僧迎客
野外歸鞭花滿林過眼浮雲分聚散懷人涼月幾升沈
而今鎖院重攜手白髮同論舊日心

贈鳧川同年仍用前韻

卅年同荷

主恩深樹老尤蒙日照臨邦治正資新少宰成均仍領

舊儒林花推晚節香逾遠雁數同行影半沈

癸卯同年
在京者止

榕門克川
棘院聯吟緣不偶白頭相勗是知心
與余三人

再和前韻東錢辛楮學士畢秋帆中允

甘苦多年識淺深朱衣何事案前臨花繁最易迷春眼
鶴老何堪占上林冀野羣空誰物色荆山璞好亦埋沈
衡文敢負旁求

訓共天精誠夜夜心

春闈外簾有硃卷偶遭回祿荷蒙

聖恩將卷提至

內廷另行考試聞之心感詩以誌之

寒俊均叨

帝澤深無微不被

日光臨為憐小草遭原火轉使焦桐入

禁林

燒殘卷內剩
如火燎原字

花柳佇看千樹暖珊瑚忍聽一枝沈

冷灰竟有復燃事總感殷殷

愛士心

叔度少農共事禮闈於啟門時必探問太夫人起居每食輒思遺母不禁愴然有作

問君何事不忘家每見無言對日斜喜得慈親眠食好待將桃李奉萱花

永叔同稱贈句新

曉徵學士贈少農詩有歐陽永叔文章伯句

應知畫荻是

前身堂前愛日尋常有白髮斑衣更幾人

曾愛日堂額

初度稱觴已過期佇看八袞慶連祺

曾袞連祺額

韋平

亦愧叨

恩錫那有趨庭介壽時

予七旬時蒙韋平介祉額

賜

憶別音容歲月深
松門拜掃夢沈沈
每聞梨棗思遺母
惹動雲山萬里心

聞中再疊前韻

清和氣滿萬人家
細雨初過燕影斜
莫惜春歸留不住
東風開遍杏林花

時值春晦日

老圃從來晚更新
每聞

天語悟前身

荷蒙

每謂予似

天語老僧

年來事事心神減
剩有詩

情不讓人

予初主試

上以新婦生子調之劉松臺道長從未分校自謂監試
似未字之女亦佳話也又賦二首

杏苑懸弧典故新每因生子憶生身凌雲老樹枝分後

可念當年手種人

予之座師房
考俱已辭世

宮花彩映繡衣新半老依然未字身自笑殷勤還學養
宜男却是讓他人

揭曉日別諸同事並約遊絢春園

虹橋居近五雲深時有高賢肯賁臨白髮重招新弟子
名葩更絢好園林竹依老樹枝交翠池映青山影倒沈

他日停驂如過訪晚香亭畔一談心

鳬川少宰和詩有遊戲便堪垂不朽句戲成二首
餘杭勝地是君家記得蘇堤一道斜自古芳名推小小
春來可憶故園花

伉儷知公情最深歸家約在暮烟沈雙雙白髮挑燈處
定話懷人一月心

闌中與叔度少農月下坐談出畫簃見示戲題二
首

畫裏看花意若何却憐老眼霧偏多從來好月秋天滿

也許春闈見素娥

留春無計奈春何看到如花笑亦多不厭聯吟消夜永
定將好句寫曹娥

揭曉前見落卷盈箱有感

佇聽歡聲幾百家有人泣向夕陽斜東風轉眼還吹到
那是年年作落花

千紅萬紫各爭新結子原難盡化身恐是花多迷老眼
漫云栽種不猶人

蕊榜高懸已屆期回頭底事尚淒其每看殘卷橫堆處

苦憶當年下第時

揭曉後贈叔度少農並東鳧川少宰

辛勤取士獻

天家朝罷歸鞍日影斜
童僕迎門先告語
園中開到牡丹花

花簪白髮更鮮新
領袖瓊林愧此身
榜下低徊頻問訊
孫山以外盡何人

前蒙

恩賜園林復荷

御題絢春園額誠異數也因用杜工部重遊何將軍山

林韻又成五首

別墅蒙

恩賜嘉名仰

御書微軀慚廣廈隨寓愛蘧廬
窻淨多臨水心安不羨魚
退思時自警惟恐似懷居

春過園仍絢名葩手自移
簾深穿燕子樹密語鶯兒
隔岸青連圃當窻綠滿陂
更從三徑外高下竹編籬

遙峯凝翠靄最好夕陽時
探勝常攜友怡情亦咏詩
亭

仍依舊址柳又颺新絲孰有登臨興相招指後期
漫謂西齊小偏宜夏日長層陰添幕帟綠茗試旗槍時
疊為山石聊謀飼鶴梁已堪稱有美何事更堂皇
扁舟原不繫知足度餘年花接蓬瀛樹池分太液泉閒
遊無藉杖退食似歸田何以酬
恩遇撫心益歐然

恭和

御製賦得麥浪得翻字五言八韻

秧針纔出水麥秀已殷繁佇見黃雲滿渾如碧浪翻苞

含新雨潤芒動曉風溫繡隴香初遠茅簷力普存濟川
舟欲問啄粒鳥爭喧匝地疑無岸觀瀾似有源羣黎歌
飽腹案吏效颺言願得雙歧瑞年季慰
至尊

恭和

御製朱碧山銀槎歌元韻

玉甕金船各擅奇古物從來傳二酉冶銀作器名以槎
丁緩博山應歛手孫氏流傳登

上方永與樽壘同典守是槎非槎那可論一權疑自銀

灣口河源使者曾到無

帝庸作歌辨其否漁洋引證破荒唐何須更問君平雙
制器固稱巧而精作頌寧陳旨且有

聖心寓物不留物形象可叅理還剖貯來涓滴盡
恩膏四海飲和似春酒

恭和

御製昆明湖泛舟觀荷元韻

好山半在畫橋西烟柳垂絲綠正齊那似芙蕖紅萬朵
亭亭影照碧玻璃

樓臺四面盡和風結構天然仰化工引去依稀三島近
寧云身在畫圖中

絢春園雜咏

韶光過眼總成虛天外浮雲任卷舒回憶芳春原不遠
宜人景物又秋初

每因回首一低徊舊跡于今遍綠苔水榭花廳皆逆旅
難尋泥爪認曾來

緩步攜筇望眼賒當時門第是誰家既憐舊圃都荒盡
又向牆邊手種花

迤西近水是荷房更闌蒙茸搆小廊留得青松偏護惜
愛他晚節耐風霜

白頭故態只高歌忙裏光陰笑裏過一自名園蒙
睿藻四時總覺好春多

扁舟不繫舊征帆

御賜齋
名不繫舟

雲散長空月映潭窓外

青峯看不盡何須風景說江南